

Fehrs-Gill

Sellschop för nedderdüütsche Spraakpleeg, Literatur un Spraakpolitik i.V.

Fehrs-Gilde

Gesellschaft für niederdeutsche Sprachpflege, Literatur und Sprachpolitik e.V.

Marianne Ehlers Vörsittersche vun de Fehrs-Gill

Op de Matenversammeln, de traditschonell in de Tiet vun de Plattdüütsche Bookmess in 't Huus vun de Carl Toepfer Stiften afhollen warrt, is Marianne Ehlers, de betto Twete Vörsittersche weer, as ne'e Vörsittersche wählt worrn. Heinrich Thies, der 10 Jahr Vörsitter weer un bald 70 Jahr oolt warrt, wull en beten körter pedden. He is dorüm Tweten Vörsitter worrn. As Kassenmeester is Dr. Rolf Niese wählt worrn, den de Vörstand de Kass al vörlöpig in de Hand geven harr. Niese hett vör Johren as Bunnsdagsafornnten mit dorför sorgt, dat de Bunnrepublik Düütschland de Europäasche Sprakencharta ünnerschrievende. Dorna hett he sik bi de Fehrs-Gill mellet, he wull dor Maat warrn.

De drie Rebeden, op de de Fehrs-Gill plöögt, wull de Fehr-Gill in ehren Ünntertitel düütlich maken. Staats „Vereen för de Stütt vun't Nedderdüütsche i.V.“ nömt se sik nu „Sellschop för nedderdüütsche Spraakpleeg, Literatur un Spraakpolitik i.V.“

De nedderdüütsche Spraakpleeg steiht för de Arbeit an dat SASS-Wöörbook, an Listen för Wöör vun ne'e Saken un Begrepen (t.B. to de Themen Auto, EDV, Weertschop, Medizin), an enen Vokabeltrainer, en Rechtschrievkomponent op dat System Windows/Office, en Grammatik un Lehrmateialien för Kinnergoors.

De nedderdüütsche Literatur steiht för dat traditschonelle Rebeet vun de Gill. Heinrich Thies kunn vun kreative un flietige Maten in't Jahr 2007 berichten: Klaus-Peter Asmussen hett dat Book „Planten un Blomen“, en hoochdüütsch-plattdüütsch un plattdüütsch-hoochdüütsch Wöörbook mit sleswig-holsteensche Plantennaams rutgeven, Bolko Bullerdiek dat Book „Dat Verspreken“. Heinrich Kahl un Ursula Berlik sünd Autoren vun dat Book „Hamborg-Quiz op Platt“. Peter Martens hett dat Book „Plattdüütsch güstern un hüüt“ rutbröcht. Peter Neubert hett sien Wöörbook „Wöhrner Wöör“ överarbeidt. He will dat as elektroonsch Wöörbook in verscheden Schrievwiesen kostenlos anbeden, Hayo Schütte hett dat Book mit Spegelschiev „As ik noch jünger weer ...“, Geschichten un Musik up Düütsch un up Platt to lesen un to hören fardigkregen. Heinrich Thies hett dat Book „Schleswig-Holstein - Land twüschen Heven un See“ besorgt. Marianne Ehlers hett Lehrmaterialien för Kinnergoors tosamenstellt un de plattdüütsche Bökerlist för Bibliotheken rutgeven.

För dat Rebeet Spraakpolitik steiht de Mitarbeit in den Plattdüütschen Bunnraat (Marianne Ehlers), den Plattdüütschen Raat för Sleswig-Holsteen (Marianne Ehlers), den Utschuss för Plattdüütsch un Freesch in Sleswig-Holsteen (Marianne Ehlers un Heinrich Thies) un den Biraat vun dat Institut föt nedderdüütsche Spraak (Heinrich Thies). Arbeitspunkten weren t.B. en Strategiepopeer för Platt in Kinnergoors, för en Platt-Professur in Flensburg un för Platt op Oortsschiller in Sleswig-Holsteen (hier is al na de Strategie arbeidt worrn, de eersten hoochdüütsch-plattdüütschen Oortsschiller staht).